

578 Barbaria, In qua Regnum Tunetanum; Et Ægyptus.  
B A R B A R I A.

Regio & unde  
dicta.  
Situs.

Soli, fertilitas.

Animalium va-  
rietas.

**I**N Africa, quam nos secundam cum Ptolemæo Orbis partem fecimus, primo se offert loco *Barbaria* nobilissima Africæ regio. Ea nomen accepit vel à murmure inconcinno Incolarum, Arabibus dicto *Barbar*, eo quod Numidarum sermo Arabibus talis videatur: vel à frequentibus desertis. *Bar* enim eorum lingua desertum sonat. Ab Ægypto ad Fretum usque Gaditanum pertinet, complectiturque Mauritaniam utramque, Tingitanam videlicet & Cæsariensem, Africam proprie dictam, Cyrenaicam, Marmaricam, cum Libya exterior. Statuunt illi recentiores Africæ Scriptores ab ortu Solis Marmariæ ( quæ hodie *Barcha* dicitur ) deserta ad Montis usque Atlantis partem hodie *mejes* vocatam, quæ pars à Strabone forte sub nomine *Aspis* describitur: huncque Montem Atlantem (secundum eius ab Oriente in Occidentem ad Mare usque, quod ab eo Atlanticum nuncupatur, longitudinem) à Meridionali plaga habet: ab Occidente ipsum Mare Atlanticum: Septentrionale vero latus Mare Mediterraneum lambit. Aer & Cæli qualitas huius Regionis varia. Vere Cælum mite, clemens, serenum; Æstate æstus vehementissimi, inprimis Iunio & Iulio, mensibus; Autumno calor remissior: Hyeme frigus vehementius, potissimum circa Decembrem & Ianuariū, sed matutino dumtaxat tempore, adeo ut nemo ob frigus ad ignem accedere cogatur. Autumnus finis, totaque Hyems, bonaque Veris pars, impetuosus plena ventis. Quin & grandinibus, fulguribus, & tonitruis horridis interdum vexatur: neque deest aliquibus in locis Nix copiosa. Ager Dactylorum, Malorumque Punicorum feracissimus: sed Frumenti non adeo fertilis: unde ejus Incolæ magna ex parte panem conficiunt hordeaceum. Fructus alios profert magna copia, Cerasa, Ficus, Poma, Pira, Prunæ, Mala Persica, Armenica, Cydonia, Olivas, & similes. Abundat Oleo, Melle, Saccharo. Multijugis item Armentorum, Pecudum, arque Ferarum generibus. Alit enim hæc Regio Dracones, Elephantes. Capreas, Bubalos, & similia Animalia: item Leones, ac pardales: habet & Mustelas, Felibus pares ac similes, excepta rictus eminentia: Simiarum quoque maximam multitudinem. Coluerunt hanc Regionem primum *phœnicum* Coloni, alijque qui ex Asia aut Ægypto eo devenerunt: postea paruit Romanis, tum Græcis Imperatoribus, deinde Vandalis, Saracenis, Arabibus: nunc partim Turcæ subest, partim proprio *Seriffæ*: Hispaniarum quoque Rex Arces quasdam in ea possidet. Regna omnino quatuor sunt marocci. *Fesse*, *Telesinum*, *Tunetanum*, quibus nonnulli *Barcha* addunt. De duobus prioribus Marocci & Fesse sequentibus Tabulis agetur, de reliquis hic agamus. *telesinum* Regnum quod vocant *tremisen*, est *Mauritania Cæsariensis*